

廣東新聞



五花八門之騙案

日前有客高仲儀到十六甫東四巷永業公司織造店定購絲襪六十打。訂價銀四百九十八元。囑送太平旅館四樓十三號房。然後收銀。該店司櫃喜培允之。遂于昨日派出夥伴岑芬麥顯臣二人送貨前往。高仲儀果將貨點明。惟稱銀已寄櫃。須待下樓取來。着該兩伴稍候。乃即轉身下樓。携籃却袋。頃刻回房閱視。于籃袋內取出類似雙毫數十卷。紛置案上。籌思良久。又謂此銀須以席袋包裹。始便攜帶。遂着岑芬代其出街購買。岑亦允之。乃岑去後。高俊托稱將襪攜落地。先為安置。囑麥在房代其照料。銀毫。麥不虞其詐。迨岑芬買席袋回來。與麥在房聽候良久。尚不見高。心茲不耐。始向管家詢問。當時管家知客已去。相顧愕然。杳悉情形。乃將高所放下類似銀毫數十捲拆視。則均屬銅錢。隨報九區二分署存案追緝。高。

離奇怪誕之命案

小東門口永曜坊水塘。二十九早發現一男屍。年約四十有餘。身體魁梧。外衣雲紗衫褲。內穿繡綢汗衫。腿部有一槍傷。彈子似由口出。當時陳屍於此。係聽候檢驗官到驗。聞之人云。死者係因二十八夕八點餘鐘時候。越秀南坊人鳴鑼集廟議事。彼因滿身罪惡。以為集廟聲討其罪。遽前奪鑼。鳴鑼者呼喊。四區分署警察雲集。彼遂遁入河內。俄而鎗聲隆隆。大抵與彼戰鬥。後因杳無踪跡。衆方疑為已逃。迨至二十九早屍始浮起。方知其已殞命。有一說。則謂彼欲搶劫。適與鳴鑼者遇。悞為告警。故即奪鑼。事實由此起。云。

一領綠頭巾換得一妾

佛山朝市街招某。前在鄰街省元巷。教授余某之妻梁氏。織布。遂致和姦。被余偵知。將姦夫淫婦。雙雙捉獲。招某多方求情。願獻番佛百二尊。為余納妾費。先立單據。即行釋回。昨由梁氏親將罰款交余。余即將該款新娶一妾。仍享齊人艷福。聞者傳為笑柄。云。

海軍最近之行動

海軍總長程璧光。昨廿二號在上海。率第一海軍艦隊司令林保憲等。正式宣佈獨立。即日程璧光偕同唐少川等。率艦隊南下。昨有電來粵云。海圻軍艦暨驅逐艦四艘。經先行啓程。大約早晚可抵粵。此外各艦。亦可絡繹馳至。聞唐少川乘座海圻。汪精衛另搭商輪。朱省長得訊後。即派冷雨秋赴港迎迓。陳督軍以海防幫辦黃倫蘇往汕恭迓。聞應瑞海深兩艦。已抵汕頭。飛鷹等艦。則今日(二十六號)或可到粵云。

▲▲▲海軍最近之行動